

REGIONAL NEWS UNIT  
ALL INDIA RADIO, AGARTALA  
Date: 27-04-2024  
Time: 07:55-08:05 PM Hrs  
BENGALI EVENING BULLETIN

---

Headlines :

- (১) পূর্ব ত্রিপুরা লোকসভা আসনের রিটার্নিং অফিসার সাজু ওয়াহিদ এ জানিয়েছেন, ভোট গ্রহণের পর ৩০টি স্ট্রং রুমে ইভিএমগুলি সুরক্ষিত রাখা হয়েছে।
- (২) আজ প্রাণী চিকিৎসক দিবস ।
- (৩) আবহাওয়া দপ্তর জানিয়েছে, ২৮শে এপ্রিল থেকে ত্রিপুরা সহ বেশ কিছু রাজ্যে তাপপ্রবাহের সঙ্গে বিক্ষিপ্ত ঝড় বৃষ্টি অব্যাহত থাকার সম্ভাবনা রয়েছে ।
- (৪) ত্রিপুরা স্পোর্টস জার্নালিস্ট ক্লাবের উদ্যোগে আজ অনুষ্ঠানে রাজ্যের বর্ষসেরা ও উদীয়মান খেলোয়াড়দের সংবর্ধনা জ্ঞাপন করা হয়।

\*\*\*\*\*

**PRESS MEET-R.O East Tripura :**

পূর্ব ত্রিপুরা লোকসভা আসনের রিটার্নিং অফিসার তথা ধলাই জেলার জেলাশাসক সাজু ওয়াহিদ এ আজ বিকেলে আমবাসায় এক সাংবাদিক সম্মেলনে জানান, পূর্ব ত্রিপুরা লোকসভা আসনে গতকাল ইভিএমের মাধ্যমে ভোট পড়েছে ৮০ দশমিক তিন পাঁচ

শতাংশ। তিনি জানান, ভোট গ্রহণের পর ১৮টি স্থানে ৩০টি স্ট্রং রুমে ইভিএমগুলি সুরক্ষিত রাখা হয়েছে। আজ সকাল থেকেই পূর্ব ত্রিপুরা লোকসভা আসনের স্ক্রুটিনির কাজ শেষ হয়েছে। সেখানে বিভিন্ন রাজনৈতিক দলের প্রতিনিধিরা উপস্থিত ছিলেন। কোন ধরনের অভিযোগ বা পুনরায় ভোট গ্রহণের কোন আবেদন আসেনি। তিনি জানান, ভোট গণনার দিন বিধানসভাভিত্তিক গণনা হবে।

\*\*\*\*\*

#### **Strong Room-Gomati :**

পূর্ব ত্রিপুরা লোকসভা আসনে গতকাল ভোট গ্রহণের পর গোমতী জেলার দুই মহকুমার তিনটি বিধানসভা নির্বাচনী ক্ষেত্রের ১৫৫টি ভোট কেন্দ্রের ই.ভি.এম ও ভি.ভি.প্যাট দুইটি স্ট্রং রুমে সুরক্ষিত রাখা হয়েছে। অম্পিনগর ও অমরপুর বিধানসভা নির্বাচনী ক্ষেত্রের ১০৮টি ভোট কেন্দ্রের ই.ভি.এম ও ভি.ভি.প্যাট রাখা হয়েছে অমর পুর দ্বাদশ স্কুলের স্ট্রং রুমে। করবুকের ৪৭টি ভোট কেন্দ্রের ইভিএম ও ভি ভি প্যাট রাখা হয়েছে করবুক মহকুমা শাসক অফিসের স্ট্রং রুমে। দুইটি স্ট্রং রুমেই কঠোর নিরাপত্তা ব্যবস্থা করা হয়েছে। স্ট্রং রুমের নিরাপত্তা দায়িত্বে রয়েছে কেন্দ্রীয় আধাসামরিক বাহিনীর জওয়ানরা। গোমতী জেলার জেলা শাসক তড়িৎ কান্তি চাকমা আজ দুটি স্ট্রং রুম পরিদর্শন করেন। তিনি জানান, আধাসামরিক বাহিনীর জওয়ানরা স্ট্রং রুমের চারপাশে কড়া নজরদারী করছে।

\*\*\*\*\*

#### **Strong Room-Unakoti :**

গতকাল পূর্ব ত্রিপুরা লোকসভা আসনের ভোট গ্রহনের পর ঊনকোটি জেলার E.V.M গুলি এখন কড়া প্রহরায় কৈলাশহরের রাধাকিশোর ইনস্টিটিউশনের স্ট্রং রুমে মজুত রাখা আছে। ঊনকোটি জেলার অতিরিক্ত জেলা শাসক অর্ঘ্য সাহা জানান, স্ট্রংরুমে রয়েছে ত্রি-স্তরীয় নিরাপত্তা ব্যবস্থা।এতে রয়েছে কেন্দ্রীয় সশস্ত্রবাহিনী। উল্লেখ্য এই নির্বাচনে ঊনকোটি জেলাতে ভোটদানের শতকরা হার আশি দশমিক চার নয় শতাংশ। জেলার মোট ১ লক্ষ ৯৪ হাজার ৫৬০ জন ভোটারের মধ্যে ভোটাধিকার প্রয়োগ করেছেন ১ লক্ষ ৫৫ হাজার ৮৫৪ জন। নির্বাচনোত্তর পরিস্থিতিতে শান্তি ও সুস্থিতি বজায় রাখার জন্য প্রশাসন প্রয়োজনীয় ব্যবস্থা গ্রহণ করেছে বলে শ্রী সাহা জানান।

\*\*\*\*\*

#### **Press Meet-SP North :**

উত্তর জেলার পুলিশ সুপার ভানুপদ চক্রবর্তী আজ ধর্মনগরে এক সাংবাদিক সম্মেলনে জানান, এই জেলায় পূর্ব ত্রিপুরা লোকসভা নির্বাচনের ভোট গ্রহণ পর্ব শান্তিপূর্ণভাবে শেষ হয়েছে। তিনি জানান, ভোট গ্রহণ ঘিরে কোথাও কোন প্রকার অপ্রীতিকর ঘটনা ঘটেনি। বেশ কয়েকটি ভোটকেন্দ্রে ভোটাররা রাত্র দশটা অবধি লাইনে দাঁড়িয়ে ভোট দিয়েছেন। পুলিশ সুপার শ্রী চক্রবর্তী উত্তর জেলার ভোটারদের প্রথমেই উত্তর ত্রিপুরা জেলার জনগণকে তথা ভোটারদেরকে ধন্যবাদ জ্ঞাপন করেছেন।

\*\*\*\*\*

#### **World Vatarinary Day :**

আজ বিশ্ব প্রানী চিকিৎসক দিবস। এই উপলক্ষ্যে আজ আগরতলার রবীন্দ্র শতবার্ষিকী ভবনে সেমিনার ও সাংস্কৃতিক অনুষ্ঠানের আয়োজন করা হয়। অনুষ্ঠানের উদ্বোধন করেন প্রানী সম্পদ বিকাশ দপ্তরের অবসর প্রাপ্ত অধিকর্তা ডাঃ অসীম কুমার ব্যানার্জী। প্রানী চিকিৎসকরাও যে সমাজের অঙ্গ, তারা প্রানী ও মানুষের স্বাস্থ্য নিয়ে সচেতন, তার অবদানের কথা মাথায় রেখেই দিনটি পালন করা হয় বলে জানান শ্রী ব্যানার্জী। উল্লেখ্য বিশ্ব প্রানী চিকিৎসক দিবসের এবছরের থিম হল “প্রানী চিকিৎসাবিদরা অপরিহার্য স্বাস্থ্যকর্মী।” অনুষ্ঠানে প্রধান অতিথি হিসাবে উপস্থিত ছিলেন দপ্তরের অধিকর্তা ডাঃ নীরজ কুমার চঞ্চল, ত্রিপুরা ভেটেরিনারী কাউন্সিলের প্রিন্সিপাল ডাঃ চিন্টু দেববর্মা প্রমুখ।

\*\*\*\*\*

#### **CRPF-Felicitated :**

ভোটদানে আসা এক মায়ের কাছ থেকে শিশুকে কোলে নিয়ে মানবিকতার নিদর্শন সৃষ্টি করলেন মন্টু বোরা নামের সিআরপিএফের ১২৪ নম্বর ব্যাটেলিয়ানের হেড কনস্টেবল। তার বাড়ি অসমের বরপেটায়। দেশের জওয়ানরা যে শুধু নিরাপত্তার কাজে নয় মানবিকতা এবং সামাজিকতায় নিয়োজিত রয়েছেন, সেদিন সেই পরিচয় দিলেন জওয়ান মন্টু বোরা।

গতকাল পূর্ব ত্রিপুরা লোকসভা নির্বাচনের উত্তর জেলার যুবরাজনগর বিধানসভা কেন্দ্রের উপাখালি পঞ্চায়েত অফিস ভোটকেন্দ্রে এক সময়ে ভোট দানের জন্য লম্বা লাইন পড়ে মহিলাদের। সেই সময় একজন মা তার শিশু সন্তানকে কোলে নিয়ে প্রচল্ড গরমে লম্বা লাইনে দাঁড়িয়ে ভোটদান করতে গিয়ে অসুবিধার সম্মুখীন হন। মায়ের অসুবিধা দেখে এগিয়ে যান হেড

কনস্টেবল মন্টু বোরা। তিনি সেই মায়ের কোল থেকে শিশুটিকে নিজের কাছে নিয়ে রাখেন। স্বাচ্ছন্দ্যে ভোট দেন শিশুটির মা। একহাতে বন্দুক নিয়ে নিরাপত্তা সামলানোর কাজ পাশাপাশি সামাজিক দায়বদ্ধতার অনন্য নজির গড়লেন সি.আর.পি.এফ-এর হেড কনস্টেবল মন্টু বোরা। নির্বাচন কমিশন তার কাজের ভূয়সী প্রশংসা করেছে। সিআরপিএফ-এর ১২৪ নম্বর ব্যাটালিয়নের ডিআইজি এবং কমান্ডেন্ট মুকেশ ত্যাগীও তাঁকে সম্মান জানান। আজ এক অনুষ্ঠানের মধ্য দিয়ে তাকে বিশেষ সম্মাননা প্রদান করেন উত্তর ত্রিপুরা জেলার পুলিশ সুপার ভানুপদ চক্রবর্তী।

\*\*\*\*\*

#### **Heatwave :**

ভারতের আবহাওয়া বিভাগ, আগামী কয়েক দিনের জন্য ওড়িশ্যা এবং গাঙ্গেয় পশ্চিমবঙ্গে তীব্র তাপপ্রবাহের সতর্কতা জারি করেছে। জানানো হয়েছে, বিহার, ঝাড়খণ্ড, তেলেঙ্গানা, রায়ালসিমা, অভ্যন্তরীণ কর্ণাটক, তামিলনাড়ু, পূর্ব উত্তর প্রদেশ, কেরালা, মাহে, কোঙ্কন, পশ্চিম উত্তরপ্রদেশ, উপকূলীয় অন্ধ্রপ্রদেশ এবং ইয়ানামের উপর এ মাসের ৩০ তারিখ পর্যন্ত তাপপ্রবাহ থাকবে। একই সময়ে গাঙ্গেয় পশ্চিমবঙ্গ, ওড়িশা এবং উপ-হিমালয় পশ্চিমবঙ্গের বিচ্ছিন্ন অঞ্চলে তীব্র তাপপ্রবাহ বিরাজ করবে। আবহাওয়া বিভাগ আগামীকাল থেকে মধ্য ভারত, উত্তর-পশ্চিম ভারতের সমভূমিতে এবং পশ্চিম হিমালয় অঞ্চলে এই মাসের ২৯ তারিখ পর্যন্ত বজ্রপাত এবং দমকা হাওয়া সহ বৃষ্টিপাতের পূর্বাভাস দিয়েছে।

আবহাওয়া দপ্তর জানিয়েছে, ২৮শে এপ্রিল থেকে ত্রিপুরা, কেরালা, মাহে, উপকূলীয় কর্ণাটক, তামিলনাড়ু, পুদুচেরি, কারাইকাল, আসাম, মেঘালয়, কোঙ্কন এবং গোয়ার উপর তাপপ্রবাহের সঙ্গে ঝড় বৃষ্টির প্রবল সম্ভাবনা রয়েছে।

\*\*\*\*\*

### **Current Affairs :**

স্বাস্থ্য মন্ত্রক বর্তমানে অব্যাহত তীব্র দাবদাহ পরিস্থিতি থেকে সাবধানে থাকার জন্য সকলকে সতর্কতা মূলক ব্যবস্থা নিতে পরামর্শ দিয়েছে। আজ আকাশবানী আগরতলার সংবাদ বিভাগের সাপ্তাহিক আলোচনায় অংশ নিয়ে ডাক্তার অরুনাভ দাশগুপ্ত বলেছেন, এই সময়ে সূর্যের তাপ সরাসরি শরীরে যাতে না লাগে সেদিকে খেয়াল রাখতে হবে। তিনি ছাতা, টুপি ব্যবহার করতে বলেছেন। এছাড়াও প্রচুর পরিমাণে জল পানের পাশাপাশি ফল খাওয়ার পরামর্শ দিয়েছেন। তিনি বলেন,

#####Byte#####

\*\*\*\*\*

### **Weather :**

রাজ্যে আগামী মাসের দুই এবং তিন তারিখ সারা রাজ্যে মাঝারি বৃষ্টিপাতের সম্ভাবনা রয়েছে। আগামীকাল আকাশ আংশিক মেঘাচ্ছন্ন থাকবে। দুয়েক জায়গায় বজ্র বিদ্যুত সহ হালকা বৃষ্টিপাতের সম্ভাবনা রয়েছে। তাপমাত্রা সর্বোচ্চ সাঁইত্রিশ ডিগ্রি এবং সর্বনিম্ন সাতাশ ডিগ্রী সেলসিয়াস এর কাছাকাছি থাকবে। আজ দিনের সর্বোচ্চ তাপমাত্রা ছিল আটত্রিশ দশমিক দুই ডিগ্রি সেলসিয়াস এবং সর্বনিম্ন চব্বিশ দশমিক দুই ডিগ্রি সেলসিয়াস।

আগামী চব্বিশ ঘন্টায় রাজ্যের উত্তর, উনকোটি, ধলাই এবং খোয়াই জেলায় বিক্ষিপ্তভাবে বজ্র বিদ্যুত সহ ঘন্টায় চল্লিশ থেকে পঞ্চাশ কিলোমিটার বেগে ঝড়ো হাওয়া বয়ে যাওয়ার সতর্কতা জারি করেছে আবহাওয়া দপ্তর।

\*\*\*\*\*

### **Cyclone-Unakoti :**

উনকোটি জেলার কৈলাশহর ও কুমারঘাট দু'টি মহকুমাতেই আজ ভোরে প্রবল ঝড়ো হাওয়া ও শিলাবৃষ্টিতে ক্ষয়ক্ষতি হয়েছে। অনেক বাড়ীঘরের ক্ষতিসাধিত হয়েছে। অনেক স্থানে বড় বড় গাছ ভেঙ্গে পড়েছে। শিলাবৃষ্টি গ্রীষ্মকালীন সজ্জির ক্ষতি হয়েছে।

উনকোটি জেলা প্রশাসনের বিপর্যয় মোকাবিলা বিভাগের জেলা প্রোগ্রাম আধিকারিক শুভজিৎ নাথ জানান, ঝড়ো হাওয়ার কারণে জেলাতে ষোলটি বসতঘরের সম্পূর্ণভাবে ক্ষতি হয়েছে। আংশিকভাবে ক্ষতিগ্রস্থ হয়েছে, ২২৫টি বসতঘর।

গতকাল মাঝরাতে ঘূর্ণিঝড়ে করিমগঞ্জ জেলার পাথারকান্দি সহ আশপাশ এলাকার ব্যাপক ক্ষয়ক্ষতি হয়েছে। বহু ঘরের ছাদ উড়ে গেছে। গাছপালা ভেঙে ও বিদ্যুৎ পরিবাহী তার ছিড়ে পড়ে বহু এলাকা অন্ধকারে ডুবে আছে।

\*\*\*\*\*

### **State Co operative bank :**

ত্রিপুরা স্টেট কো-অপারেটিভ ব্যাঙ্কের ম্যানেজিং ডিরেক্টর ভজন চন্দ্র রায় এই ব্যাঙ্কের নিয়োগ পরীক্ষার স্থান নিয়ে আজ স্পষ্টীকরণ দিয়েছেন। আজ আগরতলায় সমবায় ব্যাংকের প্রধান

কাৰ্যালয়ে আয়োজিত সাংবাদিক সম্মেলনে ম্যানেজিং ডিৰেক্টৰ শ্ৰী  
ৰায় বলেন, গত বছৰ ২৮শে অক্টোবৰ ১৫৬ জন কৰ্মী নিয়োগের  
জন্য বিজ্ঞপ্তি দেওয়া হয়েছিল। এরমধ্যে ৫০ জন অফিসার, ৭৮  
জন ক্লার্ক এবং মাল্টি টাস্কিং স্টাফ ২৮ জন। এই পদগুলির  
জন্য ১৯ হাজার ৬৬৪ জন আবেদন করেছেন। অনলাইন  
পরীক্ষার প্রথম পছন্দের স্থান আগরতলায় ছিল। কিন্তু আগরতলায়  
অনলাইন পরীক্ষার ধারণক্ষমতা প্রতি শিফটে প্রায় ৫৬০ জন  
ছিল। ব্যাঙ্ক এবং আইবিপিএস সমস্ত মহিলা এবং প্রতিবন্ধী  
প্রার্থীদের আগরতলায় পরীক্ষা কেন্দ্রের ব্যবস্থা করে। এই অনুযায়ী  
আগামী তেসরা, চৌঠা এবং ৫ই মে পরীক্ষা অনুষ্ঠিত হবে।  
আগরতলায় প্রথম দিনে পাঁচটি কেন্দ্রে এবং দ্বিতীয় ও তৃতীয় দিনে  
ছয়টি কেন্দ্রে অনলাইন পরীক্ষা হবে। এই তিনদিনে আগরতলায়  
সব প্রার্থীরা পরীক্ষা নেওয়া সম্ভব না। এই কারণে প্রতিবেশি রাজ্য  
অসমের শিলচর, গুয়াহাটি, জোরহাট, ডিব্ৰুগড় ও তেজপুৰে  
পরীক্ষা নেওয়ার ব্যবস্থা করা হয়েছে।

\*\*\*\*\*

#### **Sportsmen's reception :**

ত্রিপুরা স্পোর্টস জার্নালিস্ট ক্লাবের এক অনুষ্ঠানে আজ রাজ্যের  
বর্ষসেরা ও উদীয়মান খেলোয়াড়দের সংবর্ধনা জ্ঞাপন করা হয়।  
আগরতলা প্ৰেস ক্লাবে এই সংবর্ধনা জ্ঞাপন অনুষ্ঠানে প্ৰদীপ  
প্ৰজ্বলন করে উদ্বোধনের পর ক্ৰীড়ামন্ত্ৰী টিংকু ৰায় এই ধৰণের  
উৎসাহ বৰ্ধক আয়োজনের জন্য উদ্যোক্তা ত্ৰিপুরা স্পোর্টস  
জার্নালিস্ট ক্লাবকে ধন্যবাদ জানান। বক্তব্যে তিনি বলেন,  
এধৰণের অনুষ্ঠান রাজ্যের খেলোয়াড়রা আগামীদিনে আরো ভাল  
খেলতে উৎসাহ পাবে। পরে তিনি রাজ্যের প্ৰথম অৰ্জুন মন্টু



দেবনাথের হাতে লাইফ টাইম এচিভমেন্ট পুরস্কার তুলে দেন। এছাড়া উদ্যোক্তা ক্লাবের পক্ষে তিনি একে একে জিমন্যাস্ট শ্রীপর্ণা দেবনাথ, ফুটবলার জন জমাতিয়া, ক্রিকেটার এঞ্জেল পাল, দাবা খেলোয়াড় অর্শিয়া দাস ও আরাধ্যা দাস, প্যারা সুইমার সমীর বর্মণ ও বিনিত রায় এবং যোগাসন খেলোয়াড় দেবার্পন কুন্ডু ও পায়েল দাসের হাতে পুস্তক স্তবক, উত্তরীয় ও স্মারক তুলে দেন। রাজ্যের বাইরে থাকায় জিমন্যাস্ট পদ্মশ্রী অলিম্পিয়ান দীপা কর্মকার, ক্রিকেটার মণিশংকর মুড়াসিং ও জুডো খেলোয়াড় তানিয়া দাসের হাতে পরে স্মারক তুলে দেয়া হবে। অনুষ্ঠানকে কেন্দ্র করে ক্রীড়ামোদী মহলে ব্যাপক উৎসাহ ছিল।

\*\*\*\*\*

#### **Cricket :**

টিসিএ পরিচালিত তপন স্মৃতি ঘরোয়া নকআউট ক্রিকেট প্রতিযোগিতার আজ অনুষ্ঠিত তিনটি খেলায় জয় ছিনিয়ে ব্লাডমাউথ ক্লাব, হার্ভে ক্লাব ও ইউনাইটেড ফ্রেন্ডস কোয়ার্টার ফাইনালে উঠেছে। এম বি বি স্টেডিয়ামে অনুষ্ঠিত খেলায় ব্লাডমাউথ ক্লাব ৯ উইকেটে পোলস্টার ক্লাবকে, নরসিংগড়ের পিটিএ মাঠে হার্ভে ক্লাব ১১৯ রানে ওল্ড প্লে সেন্টারকে এবং টিআইটি মাঠে ইউনাইটেড ফ্রেন্ডস ১০ উইকেটে ইউনাইটেড বি এস টি'কে পরাজিত করে।

\*\*\*\*\*

#### **Senior Cricket-Santirbazar :**

শান্তিরবাজার ক্রিকেট এসোসিয়েশন আয়োজিত মহকুমা সিনিয়র ক্রিকেট টুর্নামেন্ট চ্যালেঞ্জার ট্রফির সপ্তম ম্যাচে ইয়ারুং

ওয়েলফেয়ার সোসাইটি ৫১ রানে ইয়াকথ্ৰু ক্লাবকে পরাস্ত করে।  
আজ বাইখোড়া স্কুল মাঠে প্রথমে ব্যাট করতে নেমে ইয়ারুং  
ওয়েলফেয়ার সোসাইটি সব উইকেট হারিয়ে ২১ ওভার ২ বলে  
১৩৯ রান সংগ্রহ করে। জবাবে খেলতে নেমে ১৯ ওভারে ২ বলে  
ইয়াকথ্ৰু ক্লাব মাত্র ৮৮ রান সংগ্রহ করে।

\*\*\*\*\*